



Bosna i Hercegovina
Federacija Bosne i Hercegovine
KANTON SARAJEVO
OPĆINA NOVO SARAJEVO
JU OSNOVNA ŠKOLA „GRBAVICAI“

71 000 Sarajevo, Grbavička br.14, tel./fax:00387 33 651 337 (sekretar),
661 – 278 (direktor); e-mail: osgrbavica1@hotmail.com;

Broj: 06-1011-1/23

Datum: 15.3.2023.

IZVEDBENI PLAN I PROGRAM

ŠKOLA U PRIRODI UČENIKA IV RAZREDA OŠ,,GRBAVICA I" SARAJEVO

Školska 2022/ 2023. godina

a) Škola u prirodi

Ciljevi

Učenici će se upoznati sa prirodno-geografskim obilježjima i historijskim znamenitostima, te steći znanje o kulturnom naslijeđu kroz posjete spomenicima svjetske baštine.

Ovakvo putovanje će svakako pozitivno djelovati na socio-psihički razvoj učenika. Obrazovni ciljevi se ostvaruju usvajanjem svih onih sadržaja oblika odgojno-obrazovnog rada, koji zahtijevaju izučavanje, razumijevanje i pamćenje, a odnose se na sticanje znanja pomoću raznih metoda i podsticanja slobodnih aktivnosti učenika.

Obrazovni zadaci

- ✓ školom u prirodi učenici će se upoznati sa različitim načinom života i rada planinskog kraja, osobinama planinskog reljefa, kao i biljnog i životinjskog svijeta različitih krajeva;
- ✓ upoznavanje sa historijom naše zemlje;
- ✓ kulturnim znamenitostima različitih krajeva.

Odgojni zadaci

- ✓ razvijanje pozitivnog odnosa prema kulturnim i estetskim vrijednostima;
- ✓ razvijanje pozitivnih socijalnih odnosa;
- ✓ razvijanje pozitivnih higijenskih navika;
- ✓ razvijanje samostalnosti i samosvjesti učenika u donošenju odluka, kao i u druženju sa vršnjacima;
- ✓ podsticanje i ispoljavanje pozitivnih emocionalnih doživljaja.

Funkcionalni zadaci

- ✓ razvijanje umijeća sposobnosti radnih navika i iskustava koja se mogu primijeniti u neposrednoj životnoj praksi i ogledaju se kroz posebne zadatke da kod učenika razvijaju moć zapažanja i upoređivanja, zaključivanja i dokazivanja, apstrakcije i konkretizacije;

- ✓ razvijanje procesa analize i sinteze s namjerom da se kod učenika probudi smisao za uviđanjem bitnih detalja i odnosa, uzročno-posljedičnih veza i funkcija;
- ✓ da se pojača i radoznanost, istraživački duh, mašta i kritičnost;
- ✓ razvijanje voljne stvaralačke aktivnosti učenika.

b) Sadržaj, metode i sredstva kojima se postavljeni zadaci ostvaruju

Sadržaj odgojno-obrazovnog rada predstavlja solidnu osnovu za jake podstreke za ostvarivanje ciljeva s područja moralnog, radnog, intelektualnog, estetskog odgoja. Steći će znanje iz više nastavnih oblasti kao što su: historija, geografija, umjetnost. Školu u prirodi odlikuje istraživački karakter i objedinjavanje mnoštva organizacionih i metodičkih radnji i ogleda se u neposrednom opažanju i potpunom doživljaju stvarnosti i na taj način se stiču dublja i trajnija znanja, te ublažavaju negativne posljedice verbalističke nastave.

c) Nosioci realizacije predviđenih aktivnosti

Nosioci realizacije svih aktivnosti su učiteljice četvrtog razreda:

ISMETA FRAŠTO, EDINA ŠEŠKIĆ , NERMINA DURMO I ASISTENT KOJI RADI S DJECOM S POTEŠKOĆAMA (KOJIH IMA U OVOM AKTIVU).

Škola u prirodi mora zadovoljiti minimalne zahtjeve putovanja. Te zahtjeve treba osigurati kroz sveobuhvatnu stručnu i tehničku pripremu, a sve u skladu sa Pravilnikom o organizaciji i realizaciji izleta, studijskih posjeta, ekskurzija, kampovanja/logorovanja, društveno-korisnog rada, škole u prirodi i drugih oblika odgojno-obrazovnog rada u osnovnoj i srednoj školi.

Posebnu pažnju treba obratiti na sigurnost kao nezaobilazan zahtjev u organizaciji i realizaciji, a podrazumijeva poduzimanje sigurnosnih mjera i upravljanje rizicima u postupku organizacije i realizacije. U tu svrhu treba posebno naglasiti sve odredbe Etičkog kodeksa kojih se moraju pridržavati svi učesnici .

d) Planirani obuhvat učenika

Školu u prirodi finansira MONKS, te su svi učenici iz sva tri odjeljenja obavezni da idu (ukupno 70 učenika)

e) Dužina trajanja

- ✓ Škola u prirodi traje 3 dana (2 noći).230 KM
- ✓ Planira se ralizirati od 31.5.do 2. 6. 2023.godine.

f) Planirani putni pravci i planirana destinacija

- ✓ Planirani putni pravci: Sarajevo, Jablanica, Mostar, Stolac, Hutovo blato..
- ✓ Krajnja destinacija: BLAGAJ

g) Opis prijevoza, ugostiteljskih usluga i drugih usluga

Opis prijevoza

Putovanje zauzima značajno mjesto u realizaciji ekskurzije, te u tom smislu postoji obaveza da se osiguraju uvjeti za sigurno i udobno putovanje učesnika Škole u prirodi. Sigurno putovanje podrazumijeva obavezu Agencije da koristi samo ona prijevozna sredstva (vlastita prijevozna sredstva ili prijevozna sredstva u vlasništvu drugih pravnih i fizičkih lica koja su registrirana za obavljanje djelatnosti prijevoza putnika) u kojima su putnici i prtljag osigurani (putničko i zdravstveno osiguranje).

Pri realizaciji putovanja moraju se koristiti autobusi odgovarajuće starosti, tehnički ispravni i pregledani, pod uvjetom da njima upravljaju lica koja ispunjavaju zahtjeve u pogledu profesionalne obučenosti i kompetentnosti i za koja Agencija školi dostavi pisane dokaze o psihofizičkoj sposobnosti za upravljanje autobusom (tahografske trake za prethodna dva dana), za vozače koji su angažovani za prijevoz učesnika ekskurzije. Zahtjevi u pogledu starosti autobusa (kao najčešće korištenog sredstva za prijevoz učenika) podrazumijevaju da se smiju koristiti autobusi koji nisu stariji od deset godina. Zahtjevi u pogledu tehničke ispravnosti autobusa podrazumijevaju obavezu Agencije da osigura, te pravo i obavezu škole da zahtijeva, prije realizacije putovanja dostavljanje pisanih dokaza o tehničkim pregledima autobusa koji se koriste za putovanje (redovni tehnički pregledi u posljednjih šest mjeseci i tehnički pregled obavljen ne ranije od pet dana prije putovanja). Zahtjevi u pogledu udobnosti podrazumijevaju obavezu Agencije i škole da osiguraju potreban broj sjedišta u autobusu ili putničkom motornom vozilu.

Direktor ima obavezu obustave početka putovanja ako nisu ispunjeni svi uvjeti u skladu sa ovim pravilnikom, te ako utvrdi da prijevozno sredstvo nema dokaze o ispunjavanju navedenih uvjeta u pogledu tehničke ispravnosti, potrebnog broja sjedišta i odgovarajuće udobnosti, kao i u slučaju kada je očigledno da je vozač u takvom psihofizičkom stanju da nije sposoban sigurno upravljati vozilom (alkoholiziranost, umor, bolest, djelovanje opojnih droga ili lijekova na kojima je označeno da se ne smiju upotrebljavati prije i za vrijeme vožnje) o čemu će obavijestiti odgovorno lice Agencije, Ministarstvo obrazovanja i nauke i nadležni organ Ministarstva unutrašnjih poslova.

Minimalni zahtjevi pri pružanju ugostiteljskih usluga

Ugostiteljske usluge u realizaciji Škole u prirodi predstavljaju bitan segment za kvalitetnu realizaciju, te je, u tom smislu, obaveza škole da prilikom ugovaranja putovanja upravlja eventualnim rizicima smještaja, odnosno prehrane, te osigura uvjete za siguran i udoban boravak i prehranu učesnika. Ugostiteljske usluge podrazumijevaju usluge pravnih lica (koji ispunjavaju uvjete za bavljenje ugostiteljskom djelatnošću) u svrhu pripremanja hrane i pružanje usluga prehrane, pripremanje i posluživanje pića i napitaka u objektu i izvan objekta, te pružanja smještaja u objektima na način predviđen zakonima i propisima koji uređuju tu oblast. Siguran boravak podrazumijeva obavezu Agencije da koristi samo one smještajne i ugostiteljske objekte koji zadovoljavaju određene standarde u smislu kvaliteta usluga smještaja, prehrane i posluživanja napitaka, sa posebnim osvrtom na visok kvalitet ispunjenosti sanitarnohigijenskih i zdravstvenih zahtjeva u pogledu pripremanja hrane i napitaka i smještajnih sadržaja. Ugodan boravak podrazumijeva obavezu Agencije da osigura, te pravo i obavezu škole da zahtijeva, prije realizacije putovanja, dostavljanje pisanih dokaza o kvalitetu smještajnih i ugostiteljskih usluga objekata (kategorizacija objekta), u kojima je planiran smještaj i ishrana učesnika (posluživanje hrane/napitaka u objektu i u prijevoznom sredstvu), u toku realizacije određenog oblika odgojno-obrazovnog rada. Učenici ne mogu biti posjetioc

objekata i ustanova, te korisnici smještajnih i ugostiteljskih objekta koji u svojim sadržajima nude usluge suprotne načelima i ciljevima odgojno-obrazovnog rada (učenici ne mogu biti posjetioci predstava, odnosno korisnici usluga smještajnih/ugostiteljskih objekata koji prikazuju/pružaju sadržaje neprimjerene uzrastu, odnosno psihofizičkom razvoju djeteta/učenika). Škola je obavezna, prilikom ugovaranja, zahtijevati od Agencije da osigura postupanje.

h) Odredbe o upravljanju rizicima realizacije

Preventivno postupanje predstavlja niz planskih aktivnosti usmjerenih na povećanje sigurnosti svih sudionika uključenih u ekskurziju, a ogleda se u:

- ✓ pravovremenom upoznavanju roditelja/staratelja učenika sa Školom u prirodi koja je planirana godišnjim programom rada škole;
- ✓ pribavljanju pismene saglasnosti roditelja/staratelja kojom se prihvataju opći uvjeti putovanja, program putovanja i daje saglasnost za učešće učenika u Školi u prirodi;
- ✓ planskom upoznavanju učenika i roditelja/staratelja sa etičkim kodeksom (društveno prihvatljiva pravila ponašanja), na časovima odjeljenske zajednice, odnosno na roditeljskim sastancima;
- ✓ upoznavanju učenika sa pravilima sigurnosti i zaštite od socijalno neprihvatljivih oblika ponašanja, diskriminacije, neprijateljstva i svih oblika nasilja sa posebnim osvrtom na vršnjačko nasilje;
- ✓ zaštitnim mjerama za sprečavanje odlaska učenika na neprikladna mjesta;
- ✓ edukaciji učenika sa ciljem aktivnog doprinosa učenika u procesu realizacije Škole u prirodi;
- ✓ obavezi škole da pored vođe putovanja odredi i po jednog pratioca zaposlenika škole na svakih najmanje 15, a najviše 20 učenika;
- ✓ obavezi roditelja/staratelja da blagovremeno upoznaju nosioce aktivnosti, organizacije i realizacije Škole u prirodi o zdravstvenom stanju i sklonostima njihove djece, odnosno učenika;
- ✓ obavezi škole i Agencije da osiguraju visok kvalitet usluga prijevoza, smještaja, ishrane te drugih usluga u sklopu turističkog paket-aranžmana;
- ✓ obavezi da svim učesnicima ugovori putničko i zdravstveno osiguranje, i
- ✓ obavezi upoznavanja svih sudionika sa preporukama Ministarstva zdravstva o postupanju u slučajevima da dođe do razboljevanja učesnika u toku putovanja i boravka u turističkom mjestu.

i) Način finansiranja po kategorijama učenika

Ministarstvo osiguravava sredstva za finansiranje učešća /učenika, koja podrazumijevaju sve troškove neophodne za učešće.

j) Tehnička realizacija

Tehnička priprema podrazumijeva radnje organizacije i realizacije, a naročito:

- ✓ odabir najpovoljnije ponude, shodno Zakonu o javnim nabavkama, izvršit će se konkurenčkim zahtjevom najmanje tri ponude;
- ✓ stalne konsultacije sa roditeljima
- ✓ usaglašavanje Izvedbenog plana i programa sa cijenama Agencije, programom putovanja, te općih uvjeta putovanja;

- ✓ usaglašavanje programa putovanja i općih uvjeta putovanja sa Zakonom o turističkoj djelatnosti, Zakonom o ugostiteljskoj djelatnosti i odredbama Pravilnika o organizaciji i realizaciji ekskurzije;
- ✓ konsultacije sa ciljem potpune uključenosti i obaviještenosti roditelja o svim ponuđenim sadržajima, posebno u smislu izbora mjesta realizacije i kompletног aranžmana;
- ✓ utvrđivanje i upoznavanje sa vremenskim okvirom, odnosno terminima (polazak, dolazak, boravak, povratak);
- ✓ vremenski okvir odgovornosti nosilaca aktivnosti, Agencije i zaposlenika škole uključenih u realizaciju ekskurzije;
- ✓ prikupljanje podataka o organizaciji, kategorijama i uvjetima smještaja, vrsti i kvalitetu vozila za prijevoz učenika, kao i eventualno drugih lica koja će tumačiti planirane odgojno-obrazovne sadržaje;
- ✓ aktivnosti usmjerene na prikupljanje dokumentacije neophodne za putovanje (pasoši, police putničkog i zdravstvenog osiguranja, te razne potvrde i druga dokumentacija za realizaciju turističkog paket-aranžmana);
- ✓ poduzimanje sigurnosnih mјera i upravljanje rizicima u postupku realizacije oblika odgojno-obrazovnog rada.

k) Ostalo

Nakon realizirane Škole u prirodi, na prvoj narednoj sjednici Nastavničkog vijeća, podnijet će se izvještaj o realizaciji Škole u prirodi.

Evaluacija Škole u prirodi izvršit će se u skladu sa čl. 68. Pravilnika o organizaciji i realizaciji izleta, studijskih posjeta, ekskurzija, kampovanja/logorovanja, društveno-korisnog rada, škole u prirodi i drugih oblika odgojno-obrazovnog rada u osnovnoj i srednjoj školi, izdatog od strane Ministarstva obrazovanja, nauke i mladih Kantona Sarajevo.

Za sve ostale, eventualne, situacije koje nisu navedene u ovom Izvedbenom planu i programu primjenjivat će se odredbe već spomenutog Pravilnika, pri čemu će se posebna pažnja posvetiti pravima i obavezama organa i tijela škole, roditelja/staratelja, učenika, te prava i obaveze Agencije.

U svakom slučaju, Škola u prirodi se organizuje i realizuje u najboljem interesu učenika.

Sarajevo, 15.3.2023.

Učiteljice četvrtog razreda: ISMETA FRAŠTO

EDINA ŠEŠKIĆ

NERMINA DURMO



DIREKTOR ŠKOLE
.....
/SEDIĆ KAMENJAS/